



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 01-16-3-1690-6/23

Srebrenica, 29.08.2023. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14 i 59/22), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, 01-02-3-170/23 od 23.01.2023. godine, i prijedloga Komisije za nabavke konstatovane u Zapisniku o pregledu i ocjeni ponuda u otvorenom postupku za nabavku radova, broj: 01-16-3-1690-5/23 od 28.08.2023. godine, predsjedavajući Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

O D L U K U

**o izboru najpovoljnijeg ponuđača
u otvorenom postupku za nabavku radova**

Član 1.

Ugovor za nabavku radova: **"Izrada i ugradnja 150 komada prednjih šehidskih nišana u Memorijalnom centru Srebrenica-Potočari Spomen obilježje i mezarje za žrtve genocida iz 1995. godine"** u vrijednosti od 149.175,00 KM (slovima: stotinučetdesetdevethyljadastotinu sedmadesetpet i 00/100) sa uključenim PDV-om dodjeljuje se ponuđaču **KLESAR d.o.o. Hadžići**, Binježevo 136, Hadžići, koji je dostavio prihvatljivu ponudu sa najnižom cijenom.

Član 2.

U skladu sa članom 70. stav (6) i 71. Zakona o javnim nabavkama, ova će se Odluka objaviti na internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 01-16-3-1690-5/23 od 28.08.2023. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je u skladu sa članom 25. Zakona o javnim nabavkama, pokrenuo otvoreni postupak sa zaključivanjem okvirnog sporazuma na tri godine, broj: 01-16-3-1690-1/23 od 04.08.2023. godine, za nabavku radova: „Izrada i ugradnja 150 komada prednjih šehidskih nišana u Memorijalnom centru Srebrenica-Potočari Spomen obilježje i mezarje za žrtve genocida iz 1995. godine“. Procijenjena vrijednost javne nabavke bez PDV-a iznosila je 127.500,00 KM.

Obavještenje o nabavci, broj: 1348-1-3-34-3-19/23 objavljeno je dana 04.08.2023. godine na Portalu javnih nabavki, kao i u „Službenom glasniku BiH“, broj 56/23 od 11.08.2023. godine.

Komisija za javne nabavke imenovana je Rješenjem, broj: 01-16-3-169/23 od 23.01.2023. godine.

Iz Izvještaja o preuzimanju tenderske dokumentacije preuzetog sa Portala javnih nabavki utvrđeno je da su tendersku dokumentaciju preuzela ukupno 3 kandidata-potencionalna ponuđača.

Na osnovu Obavještenja o nabavci i tenderske dokumentacije izvršeno je javno otvaranje blagovremeno pristiglih ponuda na dan 28.08.2023. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno dostavio jedan (1) ponuđač sa cijenom kako slijedi:

1. KLESAR d.o.o. Hadžići sa ponuđenom cijenom od 127.500,00 KM bez PDV-a i bez popusta;

Dana 28.08.2023. godine, Komisija je pristupila pregledu i ocjeni dostavljene ponude, te utvrdila da je ponuđač KLESAR d.o.o. Hadžići, dostavio tehnički zadovoljavajuću ponudu, da je ispunio sve uslove propisane članom 45. do 52. Zakona, kao i minimalne uslove za kvalifikaciju propisane tenderskom dokumentacijom.

U skladu sa prednje navedenim, Komisija je zauzela stav da je ponuda ponuđača KLESAR d.o.o. Hadžići prihvatljiva ponuda.

S obzirom da je na adresu ugovornog organa pristigla jedna prihvatljiva ponuda, prema uslovima iz tenderske dokumentacije, e-aukcija se nije mogla zakazati u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 66/16).

Komisija za nabavke je dala prijedlog Ugovornom organu da se Ugovor za nabavku radova: "Izrada i ugradnja 150 komada prednjih šehidskih nišana u Memorijalnom centru Srebrenica-Potočari Spomen obilježje i mezarje za žrtve genocida iz 1995. godine" u skladu sa članom 64. stav (1) tačka b) Zakona, dodijeli ponuđaču KLESAR d.o.o. Hadžići, Binježevo 136 Hadžići, koji je dostavio prihvatljivu ponudu sa najnižom cijenom u iznosu od 127.500,00 KM bez PDV-a, odnosno 149.175,00 KM (slovima: stotinučetdesetdevethiljadastotinusedmadesetpet i 00/100 KM) sa uračunatim PDV-om.

Komisija je sačinila Zapisnik o pregledu i ocjeni ponuda, broj: 01-16-3-1690-5/23 od 28.08.2023. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupaka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se predaje u pisanoj formi direktno na protokol Ugovornog organa ili šalje preporučenom poštom u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.



Predsjedavajući Upravnog odbora

Hamdija Fejzić

Dostaviti:

1. KLESAR d.o.o. Hadžići;
2. Predmet;
3. Arhiv

Prilog:

- Zapisnik o pregledu i ocjeni ponuda,
broj: 01-16-3-1690-5/23 od 28.08.2023. godine.